


www.BibleForChildren.org

Metiu 26



Vngbokunam
pumja ridwv alu
lookv go doodubv,
Jisu Betani bv vngtoku,
ninyigv siku nvnga turkur
mokunam Lajaras gv naam lo.
Vbvrikunamv Meri maatarbv
arv doonv nampunv Nard
tvli vkv pumchup go
naatoku, um Jisu gv lvpalo pwke
toku, okv um ninyigv dwmw lokv
tipw toku. Ho gv tvli gv nampunv amok hv
naam arwng mvnwnglo jukar toku.



Vbvrikunamv Judas Iskeriot, lwbwlaksu vring gola anyi lokv akonv, nyibu butv vdwgvlo Jisunyi bunu gvlo koa lwkdvbv vla vngtoku. Bunu ninyigv minam ha tvla mvngpu nyatoku, okv ninyia morko jidubv milv nyato. Vkvlgabv Judas Jisunyi bunu gvlo laklvkdubv alvnnv dw makarto.




Jisu gv minkubv lwbwlaksu vdwv
vngbo dmin a mvpvripvla riji toku.
Bunugv lwbkobv dvdung rilo, Jisu
vtwng ariap go naagvrila, umbonyikv
vla kumto, pintung piyung toku, okv
um ninyigv lwbwlaksu vdwa jitoku.
Nw minto, “Sum nonu naato, okv
dvtoka, si ngoogv ayak kv.”



Vbvrikunamv nw koobu a naatoku,
Pwknvyarnvnyi umbonyikv vtoku,
okv um bunua jitoku, “Sum nonu
mvnwnngv tvngtoka,” nw minto; “Si
ngoogv oyi hv, si Pwknvyarnv gv
umkvpakv vnamha mvu pvnamv,
ngoogv oyi hv mvnwnng gv rimur vdwa
mvngnganam lvgabv sarlin jipvnv.”



“Saimon, Saimon! Tvriato! Uyu hv nonu mvnwngnga
rika dubv vla rinv nvnga naagv nyibv, alvmanv lokv alv
nvnga naapin sidubv vla, rongo rinv nyi ako gv
aam-tami a amsok-misok lokv naapin sunam aingbv.
Vbvritola ngo nonugv lvgabv kumpvuv, Saimon, no gv
mvngjwng ngv ngooma dubv. Okv vdwlo no nga
dakrwk rikudw no noogv
boru vdwa abwk
mola kuka.”



Pitar mirwksito, “Ahtu, ngo nam Ivkobv patwk tumjeka sida jeka reming gvdubv mvngpvla doodunv!” “Pitar nam ngo mindunv,” Jisu minto, “Siyunyi rokpu v kokma dwbv no ngam chimapvuv vla Ivomgo minre.”



Vbvrikunamv Jisu
lvbwlaksu vdwa lvkobv
Getsemane vnam mooku
lo vngtoku, okv nw bunua
minto, “Ngoogv alo vngla
kumrilo, nonu soka
doolaka.” Nw kumto
“Abua” “Ngoogv Abua!
No gvbv ogumvwnng nga
rinyudo. Mvngdwk gv
koobu sam ngoogv lokv
naapak labv. Vbvjvka
ngoogv mvngnam bvma,
vbvritola noogv
mvngnam bvka.”




Vkvlvgabv Judas Nayam arwngbv vngtoku, ninyigv
vngkulo Roman sipai apum go vnggvto, okv nyibu
butvnv okv Parisi vdwgv vngmunam
Pwknvyarnvnaam a kaayanv nyi mego;
bunu ho yidu naalayila okv
mvdurupum okv horkanvvnv
bvngnyato. Okv bunugv lokv
akonv nyibu Butvyachok
nvgv nyira nga nyarung
rungbik ha palu toku.
Vbvritola Jisu minto, “So
gotoku!” Nw nyi angv gv
nyarung nga mvsit to okv
ninyia mvpu toku.



Bunu Jisunyi naatung toku okv ninyia Nyibu
Butvyachok nvgv naam lo vnggv toku; okv Pitar mego
adubv vngming gvto. Kvba
baaku naam gv adar
lo vmv nga parto, okv
Pitar hum dooyumnv
vdwa doomwng gvto.



Butvyachok gv nyira
ako Pitar gv nyarung palu
namgv agungarum nyi
go minto, “Nam ngo alo
nyi anga Nayamlo Ivkobv
ridubv kaama pvnvre?” vla
nw tvkato. Pitar Ivkodv mindvto,
“Ma”—vla minda sopikda rokpu v
kuktoku. Pitar agumbv vngtoku
okv achialbv mvngdwkla kaptoku.



Nyi mvnwngngv gudungto okv Jisunyi
Pilot gv dookulo aagv toku. Pilot
ninyia tvkato, “No Jius vdwgv
Dvbv ngvre?” “No mingvnyibv,” Jisu
mirwkto. Pilot Jisunyi limu dukubv
mvngto, vkvlgabv nw
nyipam vdwa lvko alvbv
mindvto. Vbvritola bunu
gokkorla minto,
“Ninyia Daapolo takkito!

Ninyia Daapolo takkito!”



Vbvrikunamv Pilot Jisunyi daapo lo takki modukubv bunu gvlo laklwk toku. Vkvlvga bunu Jisunyi vnggv toku. Nw agumbv vnglintoku ninyigv daapo nga bakto kula “Dumku gv mooku” vnam moodw putung (Um Hebru gaam bv “Golgota” vla minam) golo aalwk toku.



Hoka bunu ninyia daapolo takki toku;
okv kvvbinyi anyi goka Jisu gv
taggotaksak bv takkito.



Doonyi chaato bv ritoku ho doonyi v nyiku mato okv
mooku mvnwngngv gumta aom go kanvla dootoku; okv
Pwknvyarnv naam gv vji rvdala vvpv namv taknyi gubv
takpin suto. Jisu gamtv
rungbv gokla kapto,
“Abu! Noogv laak lo
ngoogv yalu a laklwk
dukunv!” Nw vla
minto okv sitoku.



Arium dindin bv ritoku, vdwlo Arimatia
lokv Josep aalwk todw. Nw Jius
kvba vdwgv mvngdvnam nyi
gubv rito, nw Pwknvyarnv
gv Karv gv aase nga
dooya nvgo. Ho alu
hv Richo minchola
ridw alu bv rito

(Vnamsi Jius Doonualu
ham loochoyanv),
vkvlgabv Josep
mvngrwla Pilot gv
dookulo aala Jisu gv
svma nga kooto.



Josep vji jebor go rvvgv rila, svma
nga naalu laku, vji jebor hv tumgv
rikula, okv nyibung arwnglo
vvpv toku, nyibung ngv
vlwng lvngtak golo
dulwknam go. Vbv
mvgvrila nw agi a
vlwng pwktv
rungnvgo

ngortum
to.



Alu logo nvnga, hv Jius Doonu alu bv
rito, Nyibu Butvnn vdwvla Parisi
vdwv Pilotnyi Ivkobv
kaarwk sutoku okv minto,
“Tamsarnv, ngonu
mvngpadu ho nyi
mvvnn angv gv turla
rire hoka nw minto,
‘Ngo alu loom

kochinglo
turkur reku.”



Vkvlvgabv bunu vnglaku nyibung nga
achialvbv haatinklin dubv
mvgvrikula kaachin dubv
vlwnglo mvu lwktoku
okv sipai vdwa dakria
nyadubv
vngyu nyatoku.



Jius vdwgv Doonualu kochinglo,
Vjwng alugv aru doonyi nyilin rilo,
Meri Magdalene okv dvbv
Meri akonv nyibung nga
kaalwkvv vngtoku.

Lamdokpada dubv
hoka moobi go
achialvv hwkto;
nyidomooku tolokv
Ahtu gv

nyidogindung ngv
itoku, vlvng nga
ngora jitola okv
hoka dootung
toku.



Dakyanv sipai vdwv bunu
achialvv busu sungak laku
jinjinpaparla nyi sinv aingbv
rinya toku.



Nyidogindung ngv mvvga vdwa
mintoku. “Nonuno busu rungma
bvka, ngo chindu nonu daapo
lo takkinam Jisunyi makar
dunvgo. Nw si domakv;
nw turrapla gudung
ropvkunv, ninyigv
minam aingbv.

Soka aala
kaatoka

ninyigv
karku a.”




Vkvlvgabv bunu baapubv nyibung nga
vngyu toku, busu bvla okv mvngpu
bvla ritola, ninyigv lwbwlaksu vdwa
minpa dubv juktoku. Lamdokpada
dubv Jisu bunua kaarwksula okv
minto, "Mvngpuv nonugv lwbkvb
dooming gvlaka." Bunu nw
gvlo aatoku okv ninyigv lpa
nga

jarbwng nyatola
ninyia

kumnyajonya toku.





Ataranya bvku, Jisu lwbwlaksu vring gola akin gonyi kaatam sutoku bunugv dvnam dvla doorilo. Nw bunua yamtoku ogulvgavbolo bunu gvlo mvngjwng doomato okv ogulvgavbolo bunu achialvbu tvvjing nyuma nvgobv rito yvv bunu ninyia turpv vla kaatola mintam namaka tvvjing mato. Ahtu Jisu gv bunua mintamro kochingbv, ninyia nyidomooku bv naacha toku, okv ninyia Pwknvyarnv gv lakbik kyamlo doomu toku.



Pwknvyarnv nyiamooku a achialvbv
pakla ninyigv Kuunyilo akin mvngchik
a jitoku, vkvlgabv yvvdw ninyia
mvngjwng rinv v simare vbvritola
turbwngnv singnam
a paare.



Roman 3:23

Mvwnng ngv rimur kunv okv Pwknvyarnv gv ringji kugv
nvchilo dooku mabv adukoyo kunv.

Roman 6:23

Rimur lvgabv rijo panamv—sinam bv ridu; vbvritola ngonu
Ahtu Jisu kristo lo akin gobv rinamv Pwknvyarnv gv
anyutaku amin jinam turbvdakbv mooku nvbv ridu.

Hebru 9:27

Nyi mvnwngngv lvko sirungre okv ho kochingbv
Pwknvyarnvnyi jwngkadaka koreku.



Epesian 2:8,9

Holvgabv Pwknvyarnv gv anyuaya lokv nonuno mvngjwng nam lokv ringlinbaalin toku. Si kaanamv nonugv atubogv rilin vnglin sunam lokvma, vbvritola Pwknvyarnv gv amin jinam lokv, vkvlgabv svkv lvkwngbv yvka googv nyola madu.

Roman 10:9,10

Nonu gaam lokv mingkuk jila ho Jisu kristo ngonugv Ahtuv vla okv mvngjwng la ho Pwknvyarnv ninyia sinam lokv turkur moopv kunv vla mvngdu bolo, nonua ringlin kunv gobv rireku. Holvgabv si ngonugv mvngjwng nam lokv Pwknvyarnv gvlo ngonu tarwkbak bv doodunv, ngonugv mingkukrikuk nam lokv ngonu ringnam am paadukunv.



Jon 3:16,17

Pwknvyarnv nyiamooku a achialvbu pakla ninyigv Kuunyilo akin mvngchik a jitoku, vkvlgabv yvvdw ninyia mvngjwng rinv v simare vbvritola turbwngnv singnam a paare.

Pwknvyarnv ninyigv Kuunyilo nga nyiamooku so gv nyi vdwa jwngkadaka yanv gubv imu ma, vbvritola ringyanv gubv imu pvnv.

1 Jon 5:11-13

Soogv mintam namsi vbvridu: Pwknvyarnv ngonua turbwng nama jitoku, okv turnam si ninyigv kuunyilo gv lokv lindu. Yvvgvlo Kuunyilo vv doolwk dudw soogv turnamv doodu; yvvgvlo Pwknvyarnv gv kuunyilo ngv dooma dudw vv turnama paama. Ngoogv sum lvkdung dunv si nonuv turbwngnv singnam am paaduku vla chinmu dubv— Pwknvyarnv gv kuunyilo nga mvngjwng kunv ngv nonu.



Metiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tagin NT (tgj) © NECTAR and The Word For The World
International, 2018.

<https://www.bible.com/en-GB/bible/2448/MAT.1>

©2026 Bible for Children, Inc.

www.M1914.org

www.bibleforchildren.org

